



Broj: 01/3-50-1-29-6/04  
Sarajevo, 11. februara 2004. godine

**Z A P I S N I K**  
**sa 6. sjednice Komisije za vanjsku trgovinu i carine**  
**Predstavničkog doma Parlamentarne skupštine BiH,**  
**održane 11. februara 2004. godine**

Sjednica je počela u 14 sati.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Filip Andrić, Fatima Leho, Ibrahim Đedović, Nikola Kragulj i Mladen Potočnik.

Odsustvovali sa sjednice Azra Hadžiahmetović i Momčilo Novaković.

Sjednici je prisustvovao Zijad Hasić, u svojstvu vršioca dužnosti sekretar Komisije za vanjsku trgovinu i carine u odsutnosti Emire Češljar, sekretara Komisije.

Za sjednicu Komisije je predložen i jednoglasno usvojen sljedeći

**D N E V N I R E D**

1. Dopuna Zaključaka o "Aktuelnom ekonomsko-socijalnom stanju u Bosni i Hercegovini, s posebnim osvrtom na zaštitu i stimulisanje domaće proizvodnje"
2. Tekuća pitanja.

**Ad – 1**

**Dopuna Zaključaka o "Aktuelnom ekonomsko-socijalnom stanju u Bosni i Hercegovini, s posebnim osvrtom na zaštitu i stimulisanje domaće proizvodnje"**

Predsjedavajući Komisije je u uvodnim napomenama istakao da je Predstavnički dom na 28. sjednici održanoj 22. januara 2004. godine razmatrao Zaključke Komisije po navedenoj tački dnevnog reda sačinjene na osnovu vođene rasprave na 27. sjednici Doma. Zaključeno je na Domu da Komisija, na osnovu rasprave o predloženim zaključcima i prijedlozima ponovo razmotri ih i za narednu sjednicu Domu predloži dopunjene zaključke na usvajanje. U tom pravcu Komisija je vodila raspravu na osnovu transkripta diskusije o prijedlogu zaključaka, u kojoj su učestvovali: Šefik Džaferović, Seada Palavrić, Nikola Špirić, Milorad Živković, Zlatko Lagumdžija, Petar Kuunić, Martin Raguž, Muhamed Moranjić i Mirsad Ćeman.

U prijedlogu za dopunu zaključaka bilo je da se:

- u pogledu ostvarivanja prava na penzionisanje postupi po istom tretmanu kako u Federaciju BiH tako i u Republici Srpskoj;
- u roku od tri mjeseca donesu kratke sistematske mjere uz tač. 2 zaključaka;
- zaduži Vijeće ministara BiH da na kraju svakog kvartala u godini pripremi informaciju (izvještaj) Parlamentarnoj skupštini o realizaciji i ažuriranju ovih zaključaka;
- u kontekstu Aktuelno ekonomsko-sosijalne situacije povuče iz procedure Zakon o pravima i dužnostima članova Parlamenta;
- u tački 8. izbrišu ostvarivanje prava isplate penzija tj. da se o tome raspravlja sa državnog nivoa, a ne entitetskog, jer to nije u kontekstu ovih zaključaka.

U raspravi su učestvovali: Petar Kunić, Ibrahim Đedović, Mladen Potičnik i Fatima Leho.

Petar Kunić smatra da se na nivou BiH treba izradi strategija pokrivenosti uvoza izvozom i da po njoj postupaju svi nadležni državni organi, što je u diskusiji na Domu predložio i Marin Raguž. Muhamed Moranjkić je predložio da se u tački 7. Zaključaka precizira na koji način će se vršiti subvencioniranje poljoprivredne proizvodnje. Fatima Leho je već na sjednici 29.12. 2003. godine predložila na koji način bi se mogla obezbjediti sredstva za podsticaj poljoprivredne proizvodnje.

Komisija je jednoglasno zaključila da se na kraju prijedloga zaključaka dodaju nove tačke koje glase:

1. **“Predlaže se Vijeću ministara BiH da u cjelini sagleda efikasnost rada institucija koje donose izvozno uvoznu dokumentaciju, te da osigura njihov zadovoljavajući rad.”**
2. **“Zadužuje se Vijeće ministara Bosne i Hercegovine da na kraju svakog kvartala tekuće godine pripremi za Parlamentarnu skupštinu BiH informaciju o realizaciji i ažuriranju stanja po ovim zaključcima.**

## **Ad-2**

Fatima Leho postavila je pitanje predsjedavajućem Komisije: Kada će Komisija uputiti pismo guverneru Centralne banka BiH u cilju dobijanja mišljenja “da li se dio sredstava od kamata oročena kod ino banaka od strane Centralne banke Bosne i Hercegovine mogu obezbjediti zaosnivanje fonda za podsticajne poljoprivredne proizvodnja u BiH, a što je između ostalog i navedeno u tački 7. prijedloga Zaključaka. Isto pitanje postavila je i na 27. sjednici Doma (strana 35-36 transkripta 27. sjednice Predstavničkog doma).

Predsjedavajući je odgovorio da će se upit uputiti Centralnoj banci BiH nakon što Predstavnički dom razmotri i usvoji Prijedlog Zaključka Komisije.

Sjednica je završena u 16 sati.

Za sekretar Komisije  
dr.Zijad Hasić

Predsjedavajući Komisije  
dr. Petar Kunić